

# Jekka baara

Jamana



World Vision

Cikela ceman n'a muisoman kunnafoni seben

a be ba kalo fo kalo  
Jamana baarada la BP 2043 Bamako (Mali)

## Karamoggo Danbele ye cikela ŋana ye ka bə Leleni fata

je 3-4nan

### Dantigelikan

Mekalo tile 1 ye baarakelaw təgəladonba ye dinę jamana yəremahərənyalénw bəe kənə : siyako ni gunko ani politikiko t'o la. Waati min na ni Mali baarakelaw ni Afriki jamana təw bəe baarakelaw bəe don in nagali la, o waati kelen Etazini ni Ameriki gun jamana təw bəe fəna baarakelaw (foroba ani kenyerənye) b'u ta la, kuma tə Azi gun, Oseyani gun ani Erəpu gun kənə jamanaw baarakelaw ma. Awa, ko in bə senna kabi san kəmə ni kə. An bəe k'a dən ko don in pəndjə sababu bəra Etazini jamana də de izini kənə baarakelaw ka muruti la, u ye min sigi sen kan walasa k'u lədonko jugu jira jamana baaratigiw la, kerenkerenneny la, izinitigiw, ka sərə jamana pəmaaw ma fen fə. Don in bə kalanda min jira an na, o de ye ko : gəleya bə məgə min kan, ale yere de ka wulikajə bə se ka jamana pəmaaw waajibya ka nəgəyubon dayeken a ye.

Tumani Yalam Sidibe

### Jamana baarada ŋemaa ka jemukan

je 2 nan



### Mali bɔn-kamalenw bəra San 2006 kupudafirikiko ni kupudimənidiko babəda fe

je 9-10nan

### Kungo n'a kənɔfənw ni lakana ka kan

je 8nan

"Kalan be məgə sən hakili la, nka kunnafoni be məgə bə kunpan na" Yərə Ulen Sidibe

## Jamana baarada jemaa ka jemukan jekabaara ka Siti-webu koronbokari-kene kan.



**Hamidu Konate**

- jenogon Mali kunnafoniko minisiri nənabila
- jenogon "UNESCO" jemaa nənabila
- kene in cew n'a musow
- Aw ni sogoma
- Bi ye donba ye, an be se k'o fo an da la.

Walasa ka seginkafé ke Afriki miiri sirajantigi dō ka fo ta la, n b'a fo ko :

"kan man fisa ni kan ye ; kan man kise ni kan ye ; kan fəbagaw de be kanw fisaya ni nəgən ye".

Bamanankan ye jamadon nəgənkan ye Afrikitilebinyanfan jamanaw kənə. O kərə ye ko o jamanaw kənə jamajekanw don. Hali n'a weletəgəw te kelen ye jamanaw kənə, bamanankan be fo a jemaa Mali kənə ; Burukina faso ; Nizeri ; Kédəwari ; Lagine ; Sengali, ani yərə werew ... Bamanankan be fo geji kəfə jamanaw yərə kənə, n'o ye erəpu jamanaw ; Azi jamanaw ani Ameriki jamanaw ye. O jamanaw kənə, jinini caman ani faamuyakalan caman be ke bamanankan kan kalansobaw

kənə (iniwerisite). Bamanankan lahala de be tijə di Afriki cəba də ka kuma ma, n'o ye nin ye : "an ka jamanaw bəe ye kelen de ye, hali ni danceko b'u cə".

Jekabaara Siti-webu nimərə min ye nin ye : [hup ://www.jekabaara.Org](http://www.jekabaara.Org),

UNESCO jemaa nənabila, yan cew n'a musow, an dalen b'a la, k'o be na ni bamankan fəbaga sigida ka here ye ani k'u ka dijenatige taabolo yeelen mənə.

Jamana min ye baarada ye, n'a ye kunnafonisira (NTIC) caman sigi sen kan ka ban, jemufanga sinsinni siratge la, ale bəna to a taabolo o kan. Jamana ka sigidaw kənə nagakərə arajosow bəna minen lakikaw sərə, hali o tena məen belen, o bəna a to, maa o maa ma ko be an ka kanw ka jətaa la, ani an ka dənkow, olu ka se ka gafew ni makojəsəben werew kalan siti webu kan, fo ka se o arajow ka jemukanw lamənni ma siti-webu kan.

UNESCO jemaa nənabila, an b'a w fo aw ka deme na nafoloko la.

Aw cew ni musow, an b'a w bəe fo aw yeli la kene in kan. Ala k'a n ka jənaje ke daamu ye.

Hamidu Konate  
Jamana baarada jemaa

## Kabako

Kabako dərə

Wulu ye fən kabakoma ye Barisa

Ale sigilen de ka jan  
N'a jəlen ye.

Kabako dərə

Muso ye kabako ye  
Barisa

N'i kəra a fe ka temə a ce  
kan

A ce b'i kəle

N'i y'a le juguya ka temə  
a ce kan

A ce b'i kəle

Ka bako dərə

Dijə waati ye kabako ye  
Su be fo tile kə

Samiye be fo tilema kə  
Awa,

Sanga ni waati bəe

Olu fana be fo nəgən kə

A si te kərə

A si te maabaya

**Tumani Yalam Sidibe**

## Hakilisenekene

Dijenatige kənə, fen kelenpe min be si bə sefan na, o ye muju ye. Karisa mujunen be, a fo karisa be don juman makənən na. Nk'o k'a sərə muju sinsinnen te tijə kan.

Tumani Yalam Sidibe



# Karaməgo Danbele ye cikəla ɳana ye

**C**MDT cikəmaraw kənə, cikəla ɳana caman ka baara kan, a taabolo an'a kiseya y'u ke misali ye cikəla təw cərə, taamaseere bə ta minnu kan baara kəcogo juman siratęgę la. Jekabaara kelen in kənə, an kumana o caman kan, i n'a fə Jirelakaw ka bə Sikaso, Sibiri Sara ka bə Kucala. O kadara kelen de kənə, an bəna kuma aw ye cikəla ɳana dəwerekə kan, an yan ka minenw ta ka min səgerə a ka cikəda kənə, walasa ka kumajəgənya ke an'a ka kəle fe, a ka baara kuntilenna kan. Cikəla ɳana min ko don, o te maa wəre ye Karaməgo Danbele kə. Baara kanu yere kosən, nə ye Leleni ye, ka taa a ka cikəda sigi nə ye Leleni Fata ye. Kilometere duuru de bə Leleni cikəlamini dugu ani Leleni Fata cə. A bə Sebala cikəmara de kənə, Kucala CMDT cikəmara kənə.

Karaməgo Danbele yere bangera san 1937 de. Awa, a yere ka fə la, a ma ko wəre dən. dugukolo cike kə. Awa, o de fana y'a ke sannayəlen cebaw də ye CMDT maraw kənə.

Cike te taa minen lakikaw kə. O de kanma, an ka jininkaliw kunfələ kera cikəminenw lahala kan. Jaabi minnu sərəla o la, olu file nin ye.

Misi hake : 291 (sarintura hake ye 48 ye o la. Fen min ye misi sikololen ye, o 17 bə yen, ba nə denw).

Baw ni sagaw : 234

Faliw : 10

Dabafin : 6

Dabajana : 6

Dannikemasin : 1

Wotoro : 4

Furakeponpe : 4

Ka fara baarakəminenw kan, karaməgo Danbele ma dijenatigę nəgəyafən fana kumaniya a nə ka denbaya ma. O de koson, a ye motow san dukənəmaaw ka bənənna nəgəyali kanma (motoba 1, yamaha-damu 1 ani kamiko 2). Awa sew ni kamiw fana bə ye minnu hake ka ca :

Se : 300

Kami : 50

**Kələsili** : so kelen fana bə Karaməgo Danbele bolo.

**Dabada lahala**

Minən labaara baga ye adamadenw de ye, walasa k' u tənəbə. O kanma, bamanaw yere ka fə la, « ni ntərən bə cə la duguma baaraba siratęgę la, o ye baara kabagaw ye ». Aa, maako te Karaməgo Danbele la dərə ! Aw kə lajə banni. A ka dabada maa kuuru hake ye maa 180 de ye. Cew hake ye maa 68 ye.

**Sənefenw lahala**

Leleni Fata Karaməgo Danbele nə ka kəle bə dugukolo cike dərə. Awa, sigida kənə sənefenw bəe ninyərə forokene bə yen.

**1. Kəəriforo**

- tari hake : 25,75

- sərə kelen : təni 30 ani kilo

840

- nəgəfin donnən hake :

bərə 69

- səgenin (ire) donnən : bərə 26

- bagaji : litiri : 98

- sijolan : mananin 26

- kəərisi : kilo-binaanibərə 26

- tolinəgə : wotoro ne 698.

O kəra kəne tari 10 na.

**2. Kabaforo**

- tari : 10,50

- sərə : təni 29 ni kilo 364

**3. Keninge**

- tari : 20,50

- sərə : təni 15 ani kilo 451

**4. Sənə**

- tari 15

- sərə : təni 11 ani kilo 100

**5. Malo**

- tari : 1,50

- sərə : təni 2 ani kilo 172

**6. Fini**

- tari : 0,25

- sərə : kilo 83

**7. Tiga**

- tari 5

- sərə : kilo 378

**8. Tiganinkuru**

- tari : 2

- sərə : kilo 640

Ka fara nin sənefenw kan, Karaməgo Danbele bə sənefen werew fana cike : ku, woso, nzere, bara, sə, sunbalasə (soja).

**Jiriforo ni kungojiriw lahala**

Ka fara kəərisənə ni sumansənə kan, Karaməgo Danbele səbə donnən bə haali fana jiriko ma. Mangoro, lenburu-kumunin, lenburuba, buyaki,

**A tə bə ne 4 nan kan**

*ne 3 nan tɔ*

tubabusunsun, namasa, manje, sinuwatulu-jirinin (o jiri o tari 1 ni tila de bɛ yen).

### Balikukalan taabolo

Leleni Fata ye a danma AW ye. Karaməgə Danbele yere de ye o peresidan ye. O bɛ a jira ko balikukalan ma ke bolokəfən ye yen. O kanma an y'a fana lahala jini. Awa, o lahala bɛ nin cogode la :

- kalanden jolen 24 (musoma 2)
- AW sekeretəri : Lamini Danbele
- AW sekeretəri ka dankan : Dawuda Danbele

Forosumajekulu bɛ Leleni Fata. Leleni Fata AW ye baara caman waleya, i n'a fɔ :

- pənpekələn fila senni
- pənpe ciwara 2 sigili
- basikili 1 sanni
- kəorisugu, magasa
- moto-sipəri 1 sanni

### Kerefəbaara ketaw

Sene kəfe, Karaməgə Danbele n'a ka denbaya bɛ baara werew kɛ, minnu ye : nakəsənə, ŋunu-də, geseda, tayeriya (kalali).

Leleni Fata AW labennen don Karaməgə Danbele ka denbaya de fe, ani farankan dabada 1.

### Leleni Fata laadalakow

Nanpun sənni bɛ kɛ. O ye jənaje ye, limanaw bəe bɛ wele min kənə kan. A bɛ kɛ siŋe 1 san kənə.

Fen min ye Karaməgə Danbele yere ka faamusira ye sisan adamadenya taabolo la, o file nin ye :



### Karaməgə Danbele ka bɔ Leleni Fata

jɔyərə la de.

« Bi bi in na, hakilina kərəw barika banna. Hakilina kuraw de ye san sərə. Ni maa dun ye fen min jini

A fa fe, a b'ɔ de di i ma dere. Lafiya kojugu laban ye gelya ye. Gelya fana faamuko juman laban ye lafiya ye. Bi bi in na, sene taabolo yere de bɛ ka tunu a kebagaw la. Fələ, məgə tun bɛ sene ke dusu la, ka sərə baarakəminen tə yen. Sisan baarakəminen cayara, kà si caya, nka sene keko juman dusu tə yen. O sababu bəra diŋe gundo bərətəli la. Ko də be yen, n'i m'a sidən, i b'a səbə mine. Nka, n'i y'a sidən, i t'a səbeko mine. Kabi senekelaw fana farala mənturulajelaw kan diŋe gelyara. O fiŋeba bɛ cekərəbaw de la. Olu minnu desera u denw ladonko juman na. Ni maa min y'i den wolo, k'a k'i fa ye, a b'a jo i faya

- Sene baara fələ ye forokene labenko juman de ye. O dun te k'a jəma belen. Ni baara kebaga ye baara balakabalaka kɛ, walasa a ka lafiya joona, nafa tə sərə o baara la ». Ninnu tun ye Karaməgə Danbele ka hakilinaw fan dəw ye, a ye min fɔ an ye a ka nininkaliw senfe.

Leleni Fata ye a danma cikeda ye bi, dunan bɛ min misali dugulakika ye, ka masərə du caman de b'a kənə. Nka, n'i n'u barola, i bɛ ta sərə ko cikeda in n'a bonya bəe, u bəe bolo bɛ tofilen kelen kənə. Yali o de tə yiriwa in bɛ sababu ye, wa barisa ben tə dəsə ko si la.

### Tumani Yalam Sidibe

(baara in kera Zebala sekiteri kuntigi ka dankan də kà kələsi kənə, n'o ye Gejuma Jara ye).

## Dijne man kene

B a karamago wulen Kamate y'a fo n'ye ka bø kemeni, ko : ni dijne man kene, o b'a jira ko dijne kono maaw bee dalen don u disi kan dere.

An be waati min na bi, "ba man kene, batigi man kene, awa kantigemurunta-nya ni bana furantanya fana be". An dun be a ke cogo di Alamine ko !

Nin yøø in na, ne bøna kuma n'haminanko dø de kan, n'o y'an ka nafasøø-sønefenw bee dalagosili ye suguw kono. Bi bi in na, fen si seneni t'a cikebaga nafa belen køøri søøgø be ka jaasi ka t'a fe dijne sugubaw kono. Okera sababu ye ka gøleyabaw don køørisene taabolo la an bara yan. Fen min ye malosene ye, o jisøøgø n'a nøgøsøngøw sanayelenko jugu be ka ke sababu ye k'a senøbagaw bee ke dayirime-ninina gansanw ye, jiridenw kuma te fo. Feere bolodalen yøø te olu-min kun kan goferenama kunda. Aw ka se wasolo wasolo maraw kono banni, ka jiridenw tolito laje forow kono k'o sababu ke u labara izintintanya ye.

Ko sanu be bo anw ka jamana kono haali, a ce ji an'a caman. Nk'o n'a ta bee, halibi, sanu dønbaliw de ka ca mali kono dere. "ko nsongsan ta ye køøye, nka ni køøbøø nsongsan k'i dogo o man kan dere" ! ko sanu be bo anw ka jamana kono yan, sanu dun ye nafolo de ye : Nka, dijne kono bi, anw ka jamana n'a køødenw de nøgøn faantandenw ts. An dun be t'an ko min ani ka tan mun min ? A ye n jaabi koyi.

Ne be fen kelen min jini an ka jamana jøømaaw fe, o de ye u ka wulikajo bee ke walasa ka segen barika døgøya an kan, hali n'a ma ban, barisa dijne jamanaw bee n'u ka faantanw be, u ka segenbagatøw koni. Fen min ye bolofa ye ka fara mali ta kan, o de ye ko fen si te ka ke min be møøgø jigisigi : izini te yen ; forobabaarada nafamaw man ca. Awa a minnu be yen sinijesigi t'olu ye. N'a ma fo k'olu min bøna bila kenyereye ka bolo kan, a be fo k'o bøna silatunu. Ala ka hine an ka jamana na dere !

Musa Makan Sisoko  
Cikela ka bø Mahina

## Jekabaara be siti-wøbu kan !

A rabdon, san 2005 awirilikalo atile 13, jekabaara ka Siti-wøbu kan sigi koronbakari kera "loteli Buna" la Bamako. Kene in jamanømaaw tun ye Hamidu Konate ye, Jamana baarada jøømaaba, ani Afriki kanfotaw sankøørøtatønba jøømaad Adama Samaseku ; eduwari Makoto, n'o ye UNESCO jøømaaba nønabilø ye, k'a kunce ni Mamadu Yam Jalo, n'o ye mali kono kunnafoniko minisiri nønabilø ye.

Jekabaara siti-wøbu nimøø gansera kenekan jama bee ye. O te nimøø were ye min ko : w w w jekabaara. Org kene in kumatigi folø kera Hamidu Konate ye. Ale da sera Jamana baarada kuntilenna banbanni ma kunnafoni jensensiraw warali la an ka Jamana kono. Fen min ye jekabaara ka siti-wøbuko ye, ani o taabolo bolodalen Jamana ka sigidaw kono arajosow la, a ye kunnafoni bee di o kan. (Hamidu Konate ka jøømukan be je 2 kan).

Hamidu Konate ka jøømukan ko fe, kene la jøøgøra ni Adama Samaseku ; Eduwari Makoto ani Mamadu Yam Jalo ka jøømukanw ye. O jøømukanw bee kera bonyamaseginw ye ka jøøsin UNESCO ma, ale min dijne ka siti-wøbu nafolo bo, jekabaara kanma, walasa ka bamanankan føøbagaw ka kunnafonisøø nøgøya Mali kono ; Afriki kono, ani dijne kono.

Jøømukanw temenen ko, Siti-wøbu kotigiw ye jirali ke jama la kunnafonisira in taabolo bee kan : a lasøøcogo ; a labaracogo ani a jaabiw ladoncogo.

Fen min ye Adama Samaseku ka jøømukan kono ko gølen dø ye, ale ye kunnafoni di jama ma lajeba kan min bolodalen don Bamako yan san 2005 mekalo la. O ye lajeba ye min be ke dijne jamanaw ka benkola kadara kono, ka jøøsin Afriki fasokan føøtaw ka jøøtaa lakika sira

ninini ma. A y'a jira ko o de kanma ale be se k'a fo ko jekabaara ka Siti-wøbu nana a waati la, barisa a be a sementiya ko bamanankan fana be ka don døønin-døønin dijne kanføøtabaw ka serøkulø la.

Nka, bamanankan kelen in kono, a be fo ko : "ni degebagø y'i pan ka søø kalanden m'a sen bø a yøøre køø, o køø ye ko nafa te døøkøla ka weøsi la" ! Hali ni Siti-wøbu sigira sen kan bamanankan føøbagaw kanma, la pagabaga were t'a la kan in føøbagaw ko dø : balikuka landen jolenw kerøkerønenya la.

Duguw køømaaw be se k'u yøørejininkali ke ko : an dun be ori dinateri søø cogo di walasa ka baara ke an ka siti-wøbu in na ? O te ko gølen ye. U ka døø ko "Enterineti" (Ordinateri siti-wøbuw


labaaraføø) labara kenyereye cakedaw be søø Mali dugubaw bee kono bi bi in na (kucala ; Sikaso ; Buguni ; Gawo ...). A dan ye i ka se olu ma k'i tøøgøla batakisira dayelen. N'o kera, i fana b'i ka nimøø kerøkerønen søø, i be kunnafoni søø min sira fe ani k'i yøøre fetaw lajensen dijne jøøfe o sira kelen fe. Walasa aw ka faamuya jøønjøø søø baara taabolo kan, aw be se aw ka sigidaw kono "Enterineti" kenyereye cakedaw tigilamaaw bee ma. A ka c'a la, olu be kunnafoni lakika bee d'a w ma a ko kan. O te sefan kelen-tøø-fila-søø ye wa : ka se fan dun ani k'a seden lamø ! Aw be kunnafoni søø, aw be faamuyakalansen nafamaw fana søø dijne kunnafonidisiraw taabolo kan. O kosøø, aw y'a w senfa ka kalanso kura ninnu segere barisa fen kelenpe min jøønanfanntan te cogo si la, o ye kalan ye, n'i b'a le de jini i b'a søø ka t'a fe. N'i dun be k'a søø ka t'a fe, a b'i nafa ka taa a fe.

Tumani Yalam Sidibe

mekalo san 2005

## Netaa ni yiriwa

### Dəniya sabatilen ye ko bəe damine ye



**Bakari Sangare**

Kumadonsonw b'a f'o ko "nə be nəbugu ko takan de b'a la". A b'e kalo damado bə, aw b'e to ka netaa ni yiriwa lase səben ye Jekabaara kənə. N hakili la, səben ninnu kunteleenna b'e taa aw jemisira fe. Bawu hakilijagabə də sen fe, n'y'a kələsi ko taa tun kera ka yiriwa ni netaa yere jəsen folo to n'o ye dənniya ye. O la, a ka ni an ka nəgən bila sira o dakun in kan ka sərə ka taa n'an ka feere jini ye.

Waati temennen kənə, dənniya tun b'an fe yan. Baara suguya bəe donniya, wa hali bi, o dənniya barikamaw b'an bolo. O waati kelen in fana na, tofanga ni kologeleya ni kiseya fana tun jəyərə ka bon haali an baara latigə kojuman na. Bi, a tə se ka f'o ko baara b'e se ka ke dusu an kologeleya kə, nka dənniya sabatilen jəyərə de ka bon kosebe k'o sababu ke bitile lahalya yere ye. Folə sanjibaw, sumayabaw ani neemabaw ye kəne bila ja ni tile farin ni fiye kalamān nə. Dugukolo duman banna kəneba lankolonw caman kera fen tigima ye, foro kura bin mannəgə tun. Hadamaden balo n'a makoje fen si te sərə nəgəyə la tun. A b'e latigeli kera dəndəngənin-dəngoman ye. Nin taabolo de ye dijnətigə ko bəe siri dənniya la. Sənə dənniya ni məoni

ni baganmara dənniya jalan ko tə, bawu ka bi lawale o dənniya b'an na. Bolo yelema dənniya de ko don. An b'e waati min na sisan, geleya kunben feere wulibali te ma si kelen bolo. Bəe waajibiyalen don k'i nə kere bə siginəgən fe yen walasa k'i bolo feerew dafa walima k'u falen. O tə taa kalan kə bi, bawo dənniya sabatilen bəe. Lasogonnā kera səben furaw ye. Dənniya lase kəne kan səbenni nədənbagaw de b'u soməgəw sama. Səben de fana b'e hakilijagabə sabatilen kokərəma don. O tuma bi, walasa ka bə dijnəna təw ka feerew numa, fo an ka kalan. O b'a to, an b'e kunnafonı, ani ka se k'an ka təmən tə təmən dənniya gansan səben kənə. Tijə don, n'i ye fasokanw kalanni taabolow file bi, a b'e k'i nəna ko binkənəməgə berəma kalan dərən de don, nka hakilijagabə kofe, i b'a faamu ko netaa ni yiriwa temensira jənjən ma təmen a kan. Bawo jama si te yen n'a bəra nəgəla ni wali kan ye. O hakilinan de ye jama nəmaa bila fasokanko la. Sira tə ka jan tijəna, nka o ta jira ko sira ma jni. An ka kan ninnu ye baarakeminən de ye. N'an ye waatinin o waatinin k'u kunna kalan na, an b'e se k'o waatinin kelen sərə labaara. Maa mana kərətə dali ma cogo o cogo, i b'e i sigi. N'o tə a b'e k'i y'i fili dilan kan dəre ! O tə dali ye.

Togodaw la, kalan ye waatinin min ke, o ka kan k'a to an bəe ka se kən ka baaraketaw jatebə, ka hakilijagabə ni kələsiliw səben an sen fe, ani k'an ka lajew seereyasebənw ke. Olu ye labənw ye minnu b'a to an b'a n yere jənabə ka sərə k'an ka yiriwa ni netaa boloda. Kalanje ni səbenni sebaaya ye koba ye netaa ni yiriwa latigeli la.

**Bakari Sangare**

## U ko...

Dunuya de ye banansun gansan ye. A bolow ka ca, o kanma bəe n'i sigiyərə don u kan.

**Dawuda Filanin Sangare**  
**Dənkilidala – Bamako**

— — — —  
Ce bəe ye ce ye, nka ce nunkərəsimə de ye wara ye !

Madu Kone

**Arajo bənkan jeliba**

— — — —  
N'i ye se fəsənnən ye, n'a taatə te kantigeyərə la, a b'e ka taamaminən səgerə !

**Si Solomani Si**  
**Arajo bamakan (Bamako)**

— — — —  
Situlu ; ntentulu ; kəbitulu, nin bəe ye tulu ye nk'a kelen si te si nə fa də. A'dən ko dijnə ye kuntilennəso de ye. Awa, maa o maa b'e wali kuntilennə ta, o laban ye

**waliməgəyə ye.**  
**Sibiri Bengali**


Ka bə zebala (Kucala)

— — — —  
Ni denjenin kubəra dərən, dujama b'e nisəndiya ni mankanba ye. Den nəgən tə, barisa ale yere de ye dijnə taabolo taamasen jənjən ye

**Bərinabe Polisini**  
**Irisila dənnikəla də**

## Kenyaya jōsenw

**A**damaden ye dafen ye min ka bana sōrsiraw ka ca : da ; nun ; ne ; tu lo ; farikolo. O de kanma, dōnnikelaw b'a fō ko dafen bēe la, adamaden de nōgōn fangantan te. Nka, fēn kelen yiriwalen bē adamaden na, ka teme dafen tōw kan. O de kanma, a n'a ka fangantanya bēe, a bē se ka dafen barikama bēe koron, k'u don a sakonada fe : kōnōw ; waraw ; so ani kungo sogow kulubaw ; fiñebaw ; jibaw ... O fēn kelen min bē adamaden na, n'o y'a ka setigiya sinsin dafen tōw bēe kan, o ye hakili de ye. Ale kelenpe de b'a miiri ko laban na, sanni a k'a damine. Awa, o miiri de fana b'a to ale yērē b'a yērē lakana ka bō banajuguw ma. O de kanma, a bē fō hakili ye fēnba ye adamadennin n'a farikolo an'a ka adamadenya kenyaya siratige la. Ni hakili kera kenyaya baju ye, o b'a jira k'a le yērē fana ladonko jugu ye a danma banda ye. Ladonsira jugu lakika min dun b'ale la, o de ye fēn toroli ye a kan a te se min kōrō : dōlō ; siraw ; dōrōgu ... N'i dun ye a laje, o fēn kofolen bēe de bē sanga la sisān ; U minbagaw b'a fō ko n'u y'u k'u da, k'o b'u hakilisigi. O de b'a jira k'u ye jōyōrō sōrō hakili kan ka ban. Awa, a ka c'a la, olu de ye dijē hakilitijēbana caman sababu ye, hali ni sababu were bē sōrō u la i n'a fō jigilatige ; i n'a fō balanako gelenw fēn min ye sunōgō ye, o ka kē a waati la, ka fara lafiñebōwaati tōw bēe matarafali kan. Farikolo mako bē lafiñebō la walasa ka kenyaya sōrō ka baara kolo gelenw ke.



Ne ye nin bataki sēben jekabaara kunnafonisēben kanma, walasa ka n jōda fa an ka sigidaw kōnō kenyaya sinsinni na. Barisa, maa ba kelen mana kuma bana kan, i bē t'a sōrō olu

bē kuma an ka bana dōnen kōrōw de kan : sumaya ; sōgōsōgō ; kunfilanintu ; Sida ... Nk'a man ca i k'an ka dōnnikelaw ye ka kuma ka caya hakili jōyōrōkan an ka banako la. Yali o yērē de te ka kē sababu ye k'an ka maa lafulenw hake caya hakili ta fan fe wa ? Ne b'a nini, Tumani Yalam Sidibe n'a ka jama fe, u k'u māgērē dōgētōrōw la walasa ka kuma an ye hakili tijēni kasaaraw kan. N'o kera o bē diy'an ye. Aw k'a laje banni, faatō ani hakili cawu – cawutōw bē ka caya an bara yan de.

O tuma, ne b'a nini Tumani Yalam Sidibe n'a ka jama fe, u ka wulikajō kē, walasa ka kuma an ye hakililabanaw sōrōcogo ; yēretanga cogo u ma, ani u furakēcogo.

Mamuru Soyiba Kane  
Ka bō Zansō (Kucala)

## Dijē dōnni kōrōbaw

**A**damaden ka dijēnatige kūntaala bēe kōnō, fēn fila bē yen, i tō ye. O ye sa sanyerēma su ye, ani duga sanyerēma su. Olu b'u ka den misēnya lakuraya bādaabadaa de. O gundo min b'u bolo, o ye k'olu dōrōn de bē sadibi jiri dōn, o min ye sayafura ye. Kabako dērē ! Ja furabē saya la, adamaden de t'a dōn !

Metewoko te biko ye. Kabi fōlō, an ka maakōrōw tun bē samiñē sanji caya n'a dōgōya hake jatemine samiñēdonda kōnōnagaw sirida hake de la jiriw la. N'u bē jiri sanfe kosebē, o bē sanjiba

kōfō. N'u dun bē dugumayan-fanfe, o bē sanjintanya walima sanji labōbali kōfō.

Jaa, dōnni te naasaraw dama fatinē ye koyi !

Fēn min ye san fiñekow taabolo ye, an ka maakōrōbaw tun bō jatemine kawuletile lahala de kan. A ka c'a la, n'u tun kō ko san ka di, san tun ka di. N'u tun kō ko san man di, san tun man di.

Jaa dērē ! farafin fana tun jōyōrōba bē dijē ko dōnbaw tigiyā la !

Benkōrō Moriba Kulibali  
ka bō Ijalafuga – Kolokani

mēkalo san 2005

## Kungo n'a kōnōfēnw ni lakanani ka kan



*Sigida n'a lamini ni saniya minisiri Nankoma Keyita*

Ka kęje n'an ka kungo n'a kōnōfēnw bęe lajelen tıneñi ye, kerenerenrennya la, jiriw. O hukumu kōnō, minisiriso min ka baara pęsinnen bęe sigida n'a lamini ni saniyako sabatili ma, o ye forobalajęba ke Segu san 2005 nan zanwuyekalo tile 24 n'a 25 an'a 26, maa 400 pęgən tun be min kene kan ka bęe Mali mara 8 bęe la. Jiritigelaw, ko pędənbagaw ani sigida jama.

Laje in pęmaaya tun be sigida n'a lamini ni saniyako minisiri Nankoma Keyita bolo. Adamadenya ni kelenya sabatili ani maakorębow tögəlakow pęnabəli minisiri Jibiri Tangara tun b'a kərefe, laje kun tun te dəwərə ye, ka jatemine ni kəlösili ke sigikafə kadara kōnō, ni maaw ye, minnu ka baara fanbow be ke kungo kōnō, u jøyərə n'u sendonni kungo n'a kōnōfēnw lakanana cogo juman hakilina n'a waleyali la.

Tile saba in kuntaala kōnō, lajekelaw kumana wale caman kan, i n'a fə jiriw tige cogo n'a tige yörə ani kungo n'a kōnōfēnw yere lakanana cogo, jiriw ni sogow. Lajeba min kera san 2003 zu-luyekalo la dakun ni sariya minnu tara o kene kan, n'o ye kungo n'a kōnōfēnw lakanani ye, olu labatoli ka pęsin jiritige ni kungsogow lakanani ma.

### An bęe ka cen

Segu komini meri Iburayima Cero ka fə la, nin laje suguyaw b'a waajibiya sigida jama kan a kə sendon kungo kalanani na, sabu a mana ke cogo o cogo ye, a kə geleya damine n'a laban te fə olu kə.

Segu mara pęmaa kəro Koloneli Bubakari Ba ye foli ke ka pęsin minisiri Nankoma Keyita ma, kun min y'a to a ye Segu sugganti nin laje in ke-yörə ye. A ko

hakilina falen-falen minnu kera tile 3 ninnu kōnō, o na ke sababu ye maaw ka jiritige ni sogow fagali nafamayərə n'a kasaaramayərə dən.

Minisiri Nankoma Keyita ye wele bila jamanaden bęe ma, minnu bęe tali ke a ka yiriwalibaaradaw ni jamanaden gansanw ani dugumissenw kōnō məgəw bęe ma, walasa u ka ladonko juman ke ka pęsin nafafēnw ma, an ka maakorębow ye minnu to an bolo tıneñi ye, n'o lu lakanani ye waajibi ye bęe ma. O dərən de b'a to an be kərə jənjən sərə an ka adamaden josiraw la ani ka dawula don an ka ceyatəgə la.

### Jatedenw

Kungo kene hake min be Mali kōnō, o ye tari miliyon keme (100 000 000) ye, n ka tari miliyon 21 dərən de bęe ka nafa don a pęma. San o san, an ka jamana be bənnətari ba keme ni bi naani (140 000) de la kungonafafenko siratige la.


O bənnənw sərəsiraw file nin ye :

Tari ba keme (100 000) ka da jiritigeko juguw'kan (tobilidəgəw ni finfinjini kama); ani tari ba bi naani (40 000) k'a sababu ke forokurabəw ye.

An ka jamana kōnō yan, dəgəw ni finfinw de ye funteni sərəfən lakikaw ye. O de b'a to san o san kungokənəjiri təni miliyon naani ni murumuru wolonwula (4,7) de bęe tıneñi nini sirafe. Maafamuyalenw dun ka fə la, də de bęe na fara o hake kan ka t'a fe, ka da jama caya kan ani kungokənəjiriw ladonni feerentanya y'a n ka jamana kōnō.

**Yusufu Fane**

# Mali bɔ̄nkamalenw ninyɔ̄rɔ banna 2006 san kupudafriki ni Kupudimɔ̄ndi garisegɛ la



*Farikolonenaja ye jamana ka sɔ̄rədado ye*

Degekaramɔ̄gɔ dənniyatigi sankɔ̄rtalen ka nali bɔ̄nkamalenw degeli kanma, ani cɛ ɲanaw ka kɔ̄seginni, minnu ye Sami Trawele ; Ibrahim camu ; Mamadu Bagayoko ani Jila ye, o si m'a to Mali bɔ̄nkamalenw ka sannayelen sɔ̄rɔ 2006 san Afriki sennantolatan kupuba (kani) ani dijɛ sennantolatan kupuba kene lasɔ̄rɔli ntolatanw la. Togo ceñanaw (sègew) yàn ka cèdenw dasi ni kuru 2 ni 1 ye. O b'a to Jila (mali cèdenw ka jalatigi) n'a tɔ̄nɔgɔnw k'an b'u fo ke hali 2006 san kupudafriki ye. Nin de tun ye a sijɛ fɔ̄lɔ ye an ka bɔ̄nkamalenw ka dasi an bara yan. Awa, o de fana kera Mali ntolatan kanubagaw jigiwaaroli sababu ye fana an ka cèdenw yeli la Ezipiti kene kan 2006 san (kani).

Kabi ntolatan sanga 12 nan, Mali cèden Sumayila Kulibaly ye ɲanaya feɛrɛ tige, min y'a to a ye bɔ̄nkamalenw ka kuru fɔ̄lɔ don.

Mali kuru kelen, Togo sègew ka kuru 0. O ye an ka ntolatan kanubagaw lawasa haali. A kera I n'a fɔ̄ an ka cèdenw tun bénɛ an jiğitigiya, i n'a fɔ̄ Senegali Teranga warabaw tun ye a kɛcogo min don n'a dugusejɛ ni Siyera Lewoni dasili ye Dakoro kuru 6 ani 1 Nka, Mali ka kuru fɔ̄lɔ donnen o m'a to ne si ma an ka cèdenw ka ntolatankene k'u sako ye. U yere ye kene kotigiya to Togakaw de bolo ka t'a fe. Fo ka taa se segennafinɛbɔ waati ma, Mali bɔ̄nkamalenw ma wale si k'e belen min ye Togokaw jɔ̄re. N'a y'a sɔ̄rɔ an ka jɔ̄kɔlɔsila Fuseni Tangara yere ka galabu tun te, Togokaw tun b'e Mali ka kuru ji bɔ̄ o wuliko fɔ̄lɔ yere waati kɔ̄nɔ Emanuweli Adebayoru (Togokaw ka jalatigi) n'a jeñogɔ̄nw ma dunanya fari da kene in kan. U yere ye an ka bɔ̄nkamalenw jeñoghaali. Fijɛ tun b'e Mali lakana cèdenw, a ce man cèdenw an'a kɛlecew jɔ̄sen ma ntolatannaw, I

n'a fɔ̄ Ibrahim Camu ; Adama Kullubali ko polisi, Mohamedi Lamine Sisoko, ko Momo, fo ka se Ferederiki Kanute ma, ko Fredi, olu si tun te u ka don na nin don in na. Nin don in na, Mali cèden fanba tun kera dənbagalafiliw ye. Fen min ye kuru donni o feɛrɛ tununa u ma. Fen min ye hami ye, o tun b'e sɔ̄rɔ ka b'e polisi ni sani ; ani camu de yɔ̄rɔ kosebɛ, ka d'a kan, olu tun m'u jɔ̄yɔ̄rɔ fa ne si ma. Fuseni Tangara ni Sediriki Kante dərɔ̄npe de tun b'e ka danaya wale ke, ka jama jigi sigi. Nka, an ka cèdenw ka mɔ̄nko juman jeñogɔ̄n ma, o kɔ̄ni kera sababu ye k'an bali kenekan kunmasuuli ma, fo ka se segennafinɛbɔ waati ma. Nka, an k'a dən ko bana min nañà adamaden nin nɔ̄fɛ, o te taa k'i to dɛr !

Sègennafinɛbɔ waati banna, jibirili Sidibe ye jɔ̄yɔ̄rɔ ta kene kan. O kera sababu ye ka kow jeñmajɔ̄ waatinin kɔ̄nɔ. Fen min ye galabuko ye, jila ye sen kura don a ta kɔ̄rɔ. O y'a to a ye ntola labara kosebɛ. Nk'o n'a taa bɛɛ, Mali cèdenw tun te se ka kene k'u yere ta ye, ka da ntola diko juguw ma u ni jeñogɔ̄n ce. O y'a to kene ɲanaya tora an kɛleñogɔ̄nw bolo, i n'a fɔ̄ a kera cogo min na, an ni u ka jeñogɔ̄n kunben fɔ̄lɔ sen fe, Lome, san 2004 desanburukalo la.

Togo sègew ye tɔ̄nɔbɔ̄ ke camu ni polisi ka jɔ̄ko juguya la ka na u

*A tɔ̄ be ne 9 nan kan*

**je 9nan to**

ka tajurusara kuru don. An ka cedenw tun ka njøgønfaa maya te yen, awa u tun desera u jøyørø matarafali la kene kan. O de nana ni nin gaasiba in ye tan. An bee bø kalama kan ka cedenw ma baara ke njøgøn fe ka bi 2004 san kupudafiri temenen.

Ntolatan sanga labanw yere la, togokaw ye malidenw jigi waaro ni u ka kuru filanan dasili ye fuseni Tangara ka jo kønø.

#### **Kalansen Jumen be ko in na ?**

Nin dasili bø jirø ko Mali cedenw senbøra 2006 san kupudafiri (eziputi) ani kupu dimøndi (Alimani) kønew lasørøli la. O kun njøgøn kelen ntolatanw køfe (kalo tile 25, 26 ; ani 27 2005 san marisikalo), kuru 13 be sengali ; Zanbi ani Togo kelen kelen bee bolo Hali ni Mali ye a ka kunben naani tø bee setigya sørø (O min be bala møgø la ka da bønkamalenw ka nin galabu fegønya kan), u ka kuru sørøta tena teme 14 kan. Walasa mali ka ne sørø o la, fo nekuntigi saba ninnu k'u ka ntolatan laban naani bee dugumasaara ce. O ye jinebønyeko ye døre, walima yerenegen ! kuru filanan donnentogokaw fe, jama firila ka datiñen i kan : jamafønw ani kenyereyefønw. Afriki ntolatantønba (Kafu) bøna pangijumen ta an ka ntolatan kanma ? O ye nininkali gelen ye waati natawbøna min jaabi di an ma.

**Musa Boli Bayelemabaga :**  
**Tumani Yalam Sidibe**

## **Kerecen katolikiw ka papu faatura**

Sibiridon, 2005 san awiri-Slikalo tile 2, karoli wojila, n'a tun ka diinejøminetøgø ye ko Zan Poli de (filanan), o faatura watikan. Watikan de ye dije kerecen katolikiw ka njømaa sigiduguba n'u ka hijikeyørø ye. Hali ni watikan dugukolo fere te teme bameterekare 400 kan, a køni jatelen don dije jamanabaw ka sere la, jøda be minnu ka hakilina na adamadenw ka dijenatigø la, dije fan bee fe. Awa, dije masakøbaw ni bonya o bonya ka kan, "papu" fana n'o bonya ka kan, walima a ta bølu ta ni san ce, barisa ale ka masaya be fara Ala yere la, matigi Yesu (nabila Isa) ka sira fe.

Zan (Poli de faatura k'a si to san 78 na. Saya in kera waati jan bana gelen de køfe, a ye min muju kalo 8 kønø.

Zan Poli de ye Poløni jamanaden døye, min sendonna tubabumoridiine kuntilenna kow la, ka bi a be san 32 la. A ye a ka welekan jaabi føløw ke warisowi (Poløni faaba) legilisi de la. Maa don fana min ye yelema caman ladon kerecen katoliki taabolo la, a ka san 20 ni kø njømaaya waatiw kønø. O de ye a to a ye taamabere ta sije 115 ka dije jamanaw sègerø. Awa, jamana ma bø jamana na o la : kerecen jamanaw ; silame jamanaw ; Yahudiya jamanaw ; Indudiine jamanaw ... Awa, nin jamanaw kelen kelen bee kønø, welekan kelenpe de tun



**Papu Zan poli 2**

be "papu" Zan Poli de da ka maaw sègerø. O tun ye diinew ka benjøgønya ye dugukolo in kan, walasa an be adamadenya daamu bø ka sørø an ma don. Ala gaasi la, k'a sørø an m'an ka diinew sira bila.

Zan Poli de janajaw kera watikan 2005 awirilikalo tile 8. O kera bunadamaden møgø miliyon kelen ni kemø caman jøna. O jamaw la, dije masakøbaw (etazini, Faransi ; Kuba, Indu jamana...) bee tun be kene kan, fo walima u jøyørø fabaga, fo k'a bø Irisi jamana ni Sinwa jamana na.

Papu kura min sigira dije katoliki kerecenw ka njømaaya la, o ye aliman jamana den døye, n'o ye Benuwa Sezi (16 nan) ye.

Bi bi in na, kerecen maa miliyari kelen ni ba kemekønøntøn hake de be dije kønø. O ye kerecen bolofaraw bee faralen ye njøgøn kan. An be dugawu ke Ala ka Zan Poli de sigi matigi Yesu kerefe ani ka barika don fana Benuwa Sezi ka mara la.

**Tumani Yalam Sidibe**

## Dugukolo te maa janfa abada, wa jiri be sigida neema

**K**abini Ala ye dijne da, a ye sankolo ni dugukolo da, ka kalo ni doolow falen sankolo la, ka jiriw ni binw ani fen caman werew falen dugukolo kan. O fenw kama, an dabaaman be sanji jigin dugukolo kan walasa o fenw ka lahine. O sababu la, adamadenw ni baganw ani dafenw werew be bø olu numa. An ka kumadonso ko u ka kuma do la ko « Basa be ji min se de fe ». O siratige la, an balimake Seku Male ka bø Ngolokunna kura, o ye dugu ye min be Bila ni Npesoba ce Kucalasira kan. A ni Bila ce ye kolometere naani nøgon ye woroduguyanfanfe. N'i børa Bila ka kucalasira mine, i be se dugu følo min ma, o ye Ngolokunna kura de ye. San caman kelen Kodowari jamana kønø nafolopini na Seku Male seginna ka na a fajamana kønø n'o ye Mali ye, ka taa a sigi a fadugu la, n'o ye Ngolokunna kura ye. San damado sigili in kø, a y'a sigi k'a hakili jagdbø, ko dønsen kelen te duguje. O siratige la, san 1990, Seku Male ye jirisiyelamø ni jirituru fara a ka baara keta kørø kan n'o ye sene ye. O hukumu kønø, an ka taama do senfe Npesoba mara kønø, an sera Seku Male ma a ka jiriforo la k'a jininka, a ye minnu f'an ye olu file :

Seku Male ka fo la, a ye san caman ke Kodowari jamana kønø jiribaara la. O senfe, a y'a



*Jiriturula t'a yere kelen ye*

døn ko nafa belebele be jiriko la. O siratige la, poroze do nana u fe Bila mara la san 1990 waatiw la ko Peyaye (PAE), k'u be møgøw nini minnu be se ka jiribaara ke, u sera an ka senekeduguw bee la k'a kuma d'an tulo kan, dugu o dugu maa fila. O senfe ne ye ntøgø di, u ye an ta ka kalan k'an kun. O tuma, k'a ta o waati la ka na bila bi la, ne ka baara nesinnen be jiribaara ma, ka sene fara o kan. Fen min ye demøbagajekuloko ye, n ni demejekulu døw be baara ke nøgonfe sannifeere ni kalanko sira kan. Poroze PAE tun be Bila mara la waati min, ale de tun be an kalan jiribaara taabolo la kosebe. Fen min ye Muwayenbani ni World Vision ye, an ka baa-rajanøgya fanba ye sannifeere ye. Nønte, nafolomuguko ni baa-rakeminøko demø te a ni nøgon ce baara yiribali sira were fe. Anw fe Bila mara la yan, Poroze min ye jiribaarakelaw demø ni

baarakemine ye, o ye Silkayøri (SLACAER) ye. Ka dø kan, ale ye dabalamisi 2 ni wotoro 1 ani misidaba 1 ni dannikemansin di jiribaarakela caman ma Bila mara kønø, ne yere sen yera min na. Baara foyi geleyantan te. Male da sera a ka jiribaara in damine waati geleyaw ma. A ko a ma geleya caman sørø a ka baa-ra damine na. A ye dønnin min sørø, o ye jiko ye. K'a sabu ke u ka yørø ye jintanyørø ye. Ni timinandiya te, a jirituru ka gele kosebe. Fen min y'a sørøko ye, Seku Male da sera o fana ma an ka jininkaliw senfe. A ko jirisienfeere la, san døw la, a be se ka sefawari dørøme ba bi duuru (50 000) sørø. O temenen kø, a ye tari kelen mumø turu « Ekalipisi » la, n'o ye matilatønjiri ye, mago werew kama, i n'a fo tobi-likelan ni sojiriko ani gajirikow n'a nøgønna caman were.

**Kunceli :** Seku Male ko a te se

**A to be ne 12 nan kan**

## je 11nan to

k'a ka kuma kuncé abada n'a ma welekan ke ka jësin jamadenw bëe ma. An bë waati min na sisan, an ka jamana bë ka jirintanya cogo min na, ni bëe lajelen m'a seko ke jirituru la i ka sigida la, an ni sahëlikungo man jan de ! Sabu an ka jamana kungokonjiriw tø man ca bilen. O temenen kø, fen min ye farafifurabølaw ye, a bë jini olu fe, u mago bë jiri minnu na u ka furako kama, u k'u jija k'olu si kolo-kolo u yëre këro. Nëntë, dëw mana nëro jiri o jiri la a gili n'a fara deseli kama, n'o jira ma sa, u te fara o la. A dun kôlsira ko gilibë ni faradëse y'an ka dugu sodalajiribaw caman sali sababu ye. O tuma, farafifurabølaw k'u hakili to nin yëro in na. A ma fo k'u n'o ye an ka jamana kungokonjiriw banni ye de ! Nka, an k'an hakili to a tœnin na k'olu lakana.

**Folikan :** N bë foli ke ka jësin jamana den bëe ma, bëe k'i sigida lakana. O temenen kø, n bë foli ke ka jësin Jekabaara jëmaayaso ce ni muso bëe ma.

Yusufu Fane

Siti-Wëbu  
nimrö

[www.afribone.net.ml/jekabaara/](http://www.afribone.net.ml/jekabaara/)

## Ka bë Keleyadugu Ntekekenin

An ka jëmaaw k'u miiri Adçönnin këoriko kan. Hun ! Ne Masaweli Bagayogo bë ka siran këoriko je de ! K'a sababu ke n'an ye sendajë kelen ke jëtaa la, an bë sendajë saba walima naani ke këtaa la këoriko la. Nka min foli ka gele, o de ye ko senekelaw bë jini ka ke wotorofali ye këoriko la de ! Osiratige la, bamananw b'a f'u ka kuma dëla ko : « N'i ye to dun k'a tobibaga to, ko dëwëre sërëli b'i kamanagan ». Ne Masaweli Bagayogo ye fen kelen këlesi Mali këno, sumanabaarakela sara ka ca ni tilelabáarakela ta ye. O kosën, ne b'a fe ka nininkali dë ke jëmaaw la. A ka ca ni sanji 5 ye bi, jëgonyeba caman këra këoriko in jëtaa kama, nka hali bi a ma se ka taa je. Fo an bë ka segin kø. San o san, ko dë farala CMDT ka binni kan k'a sababu ke senekelaw n'o ye këori lajeli senfe. Ni san damado in këori la je ye nin gelyaba donCMDT kun, o tuma, CMDT ye san bi hake min ke ka këorilaje, bin jumë donna senekelaw kun ? O tuma, jëmaa, a y'a laje

walasa senekelaw na lafiya dëçnin. Ka d'a kan, këori te ka warì sërë min bë senekelaw nisondiya. Nka o bëe n'a ta, sene yiriwalifénw sëngë ka ca kosebë. O ye gelya dan ye de ! O tuma, ne Masaweli Bagayogo bë min nini jëmaaw fe, o de ye an bëe k'a dëñ ko këoriko binni te fan kelen maa kan, a bë gëferënama ni këorisenew bëe de kan.

N bë Jekabaara kalanbagaw n'a lafasabagaw bëe fo, ka fara Jekabaara kunnafoniseben jëmaayaso jëmaaba n'a baarakejëgënw bëe kan.

**Masaweli Bagayogo, ka bë  
Keleyadugu Ntekelenin.  
Jekabaara kanubaga don**

## Jekabaara

Labolikuntigi Seben jekulu kuntigui  
Tumani Yalam Sidibe  
Seben jekulu  
Yusufu Fane  
Bakari Sangare  
Usumani N Tarawele (CMDT)  
Tumani Yalam Sidibe  
jëgenw kebaga  
Yakuba Jara ko Kayi  
Labenbaga ɔridinateri la  
Worokiyatu So  
Baarakejëgënw  
CMDT-World Vision - Ofisi Nizeri -  
Ofisi iri- OHVN  
Hake bëta : 11000  
Batakisira : 2043  
Negejurusira : 229 62 89  
Jamana baarada -Seki zayedti tëgola  
sira- Hamudalayi kin - Bamako  
Siti-Wëbu nimrö  
[www.afribone.net.ml/jekabaara/](http://www.afribone.net.ml/jekabaara/)